

Na osnovu člana 8. Odluke o utvrđivanju uslova, kriterija i postupku prijema lica na stručno osposobljavanje bez zasnivanja radnog odnosa u školama čiji je osnivač Skupština Tuzlanskog kantona ili školama nad kojima je Skupština Tuzlanskog kantona iskazala javni interes broj: 10/1-34-018257/22 od 11.8.2022.godine, Ministarstvo obrazovanja i nauke Tuzlanskog kantona raspisuje

**JAVNI POZIV**  
**za prijem lica na stručno osposobljavanje bez zasnivanja radnog odnosa u školama čiji je osnivač Skupština Tuzlanskog kantona ili školama nad kojima je Skupština Tuzlanskog kantona iskazala javni interes**

**I**

Raspisuje se Javni poziv za prijem lica na stručno osposobljavanje bez zasnivanja radnog odnosa u školama čiji je osnivač Skupština Tuzlanskog kantona ili školama nad kojima je Skupština Tuzlanskog kantona iskazala javni interes (u daljem tekstu: školama).

**II**

Prijem na stručno osposobljavanje u skladu sa Odlukom o utvrđivanju uslova, kriterija i postupku prijema lica na stručno osposobljavanje bez zasnivanja radnog odnosa u školama čiji je osnivač Skupština Tuzlanskog kantona ili školama nad kojima je Skupština Tuzlanskog kantona iskazala javni interes broj: 10/1-34-018257/22 od 11.8.2022.godine (u daljem tekstu: odluka), vrši se za 50 kandidata, s tim da će prijem lica vršiti za osnovne i srednje škole sa područja sljedećih lokalnih zajednica i to:

- a) općina Banovići 2 kandidata (jedan kandidat u osnovnoj i jedan kandidat u srednjoj školi),
- b) općina Čelić 5 kandidata (tri kandidata u osnovnim školama i dva kandidata u srednjoj školi),
- c) općina Doboј Istok 2 kandidata (jedan kandidat u osnovnoj i jedan kandidat u srednjoj školi),
- d) grad Gračanica 8 kandidata (četiri kandidata u osnovnim i četiri kandidata u srednjim školama),
- e) grad Gradačac 4 kandidata (dva kandidata u osnovnim školama i dva kandidata u srednjoj školi),
- f) općina Kalesija 3 kandidata (dva kandidata u osnovnim školama i jedan kandidat u srednjoj školi),
- g) općina Kladanj 2 kandidata (jedan kandidat u osnovnoj i jedan kandidat u srednjoj školi),
- h) grad Lukavac 3 kandidata (dva kandidata u osnovnim školama i jedan kandidat u srednjoj školi),
- i) općina Sapna 2 kandidata (jedan kandidat u osnovnoj i jedan kandidat u srednjoj školi),
- j) grad Srebrenik 3 kandidata (dva kandidata u osnovnim školama i jedan kandidat u srednjoj školi),
- k) općina Teočak 2 kandidata (jedan kandidat u osnovnoj i jedan kandidat u srednjoj školi),
- l) grad Tuzla 11 kandidata (osam kandidata u osnovnim i tri kandidata u srednjim školama),
- m) grad Živinice 3 kandidata (dva kandidata u osnovnim školama i jedan kandidat u srednjoj školi).

**III**

Pravo na prijem lica na stručno osposobljavanje bez zasnivanja radnog odnosa u školama ima kandidat pod uslovom:

- a) da je državljanin Bosne i Hercegovine,
- b) da ima prijavljeno mjesto prebivališta na području Tuzlanskog kantona,
- c) da se vodi na evidenciji Službe za zapošljavanje kao nezaposleno lice,
- d) da ima odgovajući profil i stručnu spremu za stručno osposobljavanje na poslovima nastavnika ili stručnog saradnika u osnovnim i srednjim školama,
- e) da nije pripadnik ili član porodice neke od boračkih kategorija u skladu sa Zakonom o dopunskim pravima branilaca ili članova njihovih porodica-drugi prečišćeni tekst („Službene novine Tuzlanskog kantona“, broj: 10/20).

#### IV

(1) Rangiranje kandidata za prijem lica za stručno osposobljavanje bez zasnivanja radnog odnosa vrši se u skladu sa odlukom na osnovu sljedećeg kriterija:

- a) vremenski period od dana sticanja odgovarajućeg stručnog zvanja do dana objavljivanja javnog poziva i to za svaki navršeni mjesec 0,2 boda.

(2) Ukoliko na rang listi dva ili više kandidata ostvare isti broj bodova, prednost na rang listi u skladu sa odlukom ostvarit će kandidat koji ima bolji prosjek ocjena ostvaren na dodiplomskom studiju/prvom ciklusu studija, koji podatak će po potrebi pribaviti Komisija za provođenje javnog poziva za prijem lica za stručno osposobljavanje bez zasnivanja radnog odnosa.

#### V

Prijave na javni poziv sa potrebnom dokumentacijom podnose se Ministarstvu obrazovanja i nauke Tuzlanskog kantona u roku od 8 dana od dana objavljivanja javnog poziva na veb stranici Ministarstva obrazovanja i nauke Tuzlanskog kantona ([www.montk.gov.ba](http://www.montk.gov.ba)). Prijava na javni poziv vrši se putem prijavnog obrasca, koji se može preuzeti na veb stranici ili u službenim prostorijama Ministarstva obrazovanja i nauke Tuzlanskog kantona.

#### VI

Uz popunjen prijavni obrazac kandidat je obavezan dostaviti i sljedeću dokumentaciju kojom dokazuje da ispunjava uslove iz tačke III javnog poziva:

- a) uvjerenje o državljanstvu,
- b) dokaz o prijavljenom mjestu prebivališta, odnosno boravišta (CIPS obrazac PBA3) – original ili ovjerena kopija,
- c) diplomu o završenom dodiplomskom studiju/prvom ciklusu studija - ovjerena kopija
- d) uvjerenje nadležne službe za zapošljavanje da se lice nalazi na evidenciji nezaposlenih osoba – original ili ovjerena kopija,
- e) ovjerena izjava da lice nije pripadnik ili član porodice neke od boračkih kategorija u skladu sa Zakonom o dopunskim pravima branilaca ili članova njihovih porodica – drugi prečišćeni tekst („Službene novine Tuzlanskog kantona“, broj: 10/20) – izjava ovjerena od strane nadležnog gradskog/općinskog organa uprave ili notara.

#### VII

(1) Na osnovu konačnih rang lista, ministar donosi odluku o prijemu lica za stručno osposobljavanje bez zasnivanja radnog odnosa u školama koje imaju osigurana finansijska sredstva u skladu sa odlukom.

(2) U roku od osam dana od dana donošenja odluke iz stava (1) ove tačke, izabrani kandidat je dužan javiti se u školu radi zaključivanja Ugovora o stručnom osposobljavanju bez zasnivanja radnog odnosa.

(3) Ukoliko lice u naznačenom roku iz stava (2) ove tačke ne zaključi Ugovor o stručnom osposobljavanju bez zasnivanja radnog odnosa bez opravdanog razloga, gubi pravo na zaključenje ugovora.

## VIII

(1) Javni poziv ostaje otvoren 8 dana od dana objavljivanja na veb stranici Ministarstva obrazovanja i nauke Tuzlanskog kantona.

(2) Prijave na Javni poziv sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića 8, 75000 Tuzla, sa naznakom „Prijava na Javni poziv za prijem lica za stručno osposobljavanje“.

(3) Nepotpune i neblagovremene prijave neće se uzeti u razmatranje.

Ministarstvo obrazovanja i nauke  
Tuzlanskog kantona